

c. 798

Matth. 18, 16.

Ter mergendus aqua est<sup>a</sup>, cui gratia plena lavacri<sup>b</sup>;  
 Testibus et<sup>c</sup> stabilis constat tribus actio cuncta;  
 10 Terno mense suis redeunt sua tempora membris;  
 Tres sunt aetates: flos et robur<sup>d</sup>, aegra<sup>e</sup> senectus;  
 Tres moduli<sup>f</sup> in causis: iudex defensor et actor<sup>g</sup>;  
 Tres in secla<sup>h</sup> gradus: ortus transcursio<sup>i</sup> finis.  
 Tres, spem quae palpent: requies lux gloria vitae.

Haec<sup>k</sup> vero praecipui doctores et sanctissimi patres nobis reliquerunt<sup>l</sup> in suis testimonia dictis. Nobis vero iuxta parvitatem ingenioli nostri videtur, ut, sicut interior homo in fide sanctae Trinitatis ad imaginem sui conditoris reformandus est, 10 ita<sup>m</sup> exterior trina mersione abluendus est<sup>n</sup>; ut, quod invisibiliter spiritus operatur in anima, hoc visibiliter sacerdos imitetur in aqua. Nam originale peccatum tribus modis actum est: delectatione consensu et opere. Itaque, quia<sup>o</sup> omne peccatum aut delectatione<sup>p</sup> aut consensu<sup>q</sup> aut operatione efficitur, ideo triplici generi peccatorum<sup>r</sup> trina videtur ablutio convenire; vel propter originale peccatum, quod in infantibus 15 valet ad perditionem<sup>s</sup>, vel propter illa, quae in provectionis<sup>t</sup> aetatis hominibus voluntate verbo vel facto adduntur<sup>u</sup>.

Ut vero cognoscatis huius sacratissimi mysterii<sup>v</sup> significationes iuxta sanctorum patrum intelligentiam et statum ecclesiasticum<sup>w</sup> vestrae caritati eadem sacramenta catholica interpretatione<sup>x</sup> ostendam. Nam magna sanctitate et venerabili significatione, 20 quicquid in eis geritur, statutum esse neminem dubitare fas<sup>y</sup> esse arbitramur. Primo<sup>1</sup> paganus cathecuminus<sup>z</sup> fit, accedens ad baptismum; ut renuntiet<sup>a</sup> maligno spiritui et omnibus dampnosis<sup>b</sup> eius<sup>c</sup> pompis. Exsufflatur<sup>d</sup> etiam; ut, fugato diabolo, Christo Deo nostro paretur<sup>e</sup> introitus. Exorcizatur; id est coniuratur malignus spiritus, ut<sup>f</sup> exeat et recedat, dans locum Deo vero. Accipit cathecuminus salem<sup>g</sup>, ut putrida et 25 fluxa eius peccata sapientiae sale divino munere<sup>h</sup> mudentur. Vera<sup>i</sup> deinde<sup>k</sup> symboli apostolici traditur ei fides, ut vacua domus et a prisco habitatore<sup>l</sup> derelicta fide ornetur et praeparetur habitatio Deo. Tunc fiunt scrutinia, ut exploretur saepius, quam firmiter post renuntiationem<sup>m</sup> sathane sacra verba datae fidei radicitus cordi<sup>n</sup> defixerint<sup>o</sup>. Tanguntur<sup>p</sup> et nares, ut<sup>q</sup>, quamdiu spiritum naribus trahat<sup>r</sup>, in fide 30 accepta perduret<sup>s</sup>. Pectus quoque eodem<sup>t</sup> perungitur oleo, ut signo sanctae crucis diabolo claudatur<sup>u</sup> ingressus. Signantur et scapulae, ut<sup>v</sup> undique muniatur. Item in pectoris et scapulae unctione<sup>w</sup> signatur fidei firmitas<sup>x</sup> et operum bonorum perseverantia. Et sic in nomine sanctae Trinitatis trina submersione baptizatur. Et recte homo, qui ad imaginem sanctae Trinitatis<sup>y</sup> conditus est, per invocationem sanctae Trinitatis ad 35 eandem renovatur<sup>z</sup> imaginem: et qui tertio gradu peccati, id est operatione, cecidit<sup>a</sup> in mortem, tertio elevatus de fonte, per gratiam resurgat ad vitam. Tunc albis

<sup>a</sup>) om. K 1; est aqua K 2. <sup>b</sup>) lavacro K, A 1\*; lavachri T\*. <sup>c</sup>) a K 1; adstabilis pro et st. K 2.  
<sup>d</sup>) robor K 2, T\*, G. <sup>e</sup>) egro K 2; egra T\*, G. <sup>f</sup>) medii add. marg. moduli A 1\*. <sup>g</sup>) auctor K 2, T\*.  
<sup>h</sup>) saecula T\*; secula K 2. <sup>i</sup>) transcursio G. <sup>k</sup>) Haec — nomine scripta sit om. K, A 1\*. Hic in T\*. 40  
*rubrica* Expositio de baptisterio (V. supra p. 210, ep. 137 n. a.). <sup>l</sup>) in suis rel. T\*, G. <sup>m</sup>) et add. G.  
<sup>n</sup>) esse T\*, G. <sup>o</sup>) et T\*, G. <sup>p</sup>) cogitatione T\*; cogitac. G. <sup>q</sup>) locutione G; loquut. corr. locut. T\*.  
<sup>r</sup>) peccatum G. <sup>s</sup>) perditionem G. <sup>t</sup>) profectionis G. <sup>u</sup>) aduntur G. <sup>v</sup>) sanctissime misterii G.  
<sup>w</sup>) statuta ecclesiastica T\*, G. <sup>x</sup>) interpretaetione T\*. <sup>y</sup>) vas G. <sup>z</sup>) cathecuminus T\*; cati-  
 cuminus G. <sup>a</sup>) et renuncia G. <sup>b</sup>) dampnosis T\*, G. <sup>c</sup>) et add. G. <sup>d</sup>) Et sufflatur Q. <sup>e</sup>) da- 45  
 retur G. <sup>f</sup>) ut mal. sp. T\*. <sup>g</sup>) sal Q. <sup>h</sup>) munera G. <sup>i</sup>) om. G. <sup>k</sup>) om. Q. <sup>l</sup>) abitatore G.  
<sup>m</sup>) abrenunciacione G. <sup>n</sup>) corde T\*; cordae G. <sup>o</sup>) deflexerint G. <sup>p</sup>) Tanguntur — perduret om. T\*.  
<sup>q</sup>) et G. <sup>r</sup>) trahant G. <sup>s</sup>) accepto perduceret G. <sup>t</sup>) aeodem G. <sup>u</sup>) claudatur G. <sup>v</sup>) scabule et G;  
 ut — scapulae om. T\*. <sup>w</sup>) scabule uncc. G. <sup>x</sup>) firmatus G. <sup>y</sup>) hic finit G. <sup>z</sup>) revocatur T\*.  
<sup>a</sup>) caecidit T\*.

1) Eadem leguntur iam supra p. 202 in epistola ad Oduinum data.